

# Pabakura ang Imo mga Pagpati: Pagpabilin nga Virgin

Ang Biblia nagasiling: "Maglikaw sa seksuwal nga imoralidad." (1 Tesalonica 4:3) Pabakura ang imo pagpati nga ang kasuguan sang Dios para sa imo kaayuhan paagi sa paghunahuna kon ano ang mangin resulta sang imo himuon.



Tama bala ka estrikto  
ang kasuguan sang Dios?

Ngaa gindumilian sang Dios  
ang mga wala makasal sa  
paghimo sang mga butang  
nga makapahalipay  
sa ila?



Hunahunaa ang masunod nga mga eksena...

EKSENA 1

**BALATYAGON**

EKSENA 2

**PAG-IPIT**

EKSENA 3

**KAHIGAYUNAN**

EKSENA 4

**RESULTA**

Ang kalabanan nga pamatan-on nga nag-sex  
nga wala pa makasal naghinulsol gid sang ulihi.  
**Ano sa banta mo ang rason?**

---



---

Ang matuod, gusto sang kalabanan nga babayi  
ang lalaki nga makahatag sa ila sing *proteksion*,  
indi nga gamiton lang sila. Kag indi gusto sang  
kalabanan nga lalaki ang mga babayi nga dali  
lang madala. **Ano sa banta mo ang rason?**

---



---

# ISULAT!

Sabti ang masunod  
nga mga pamangkot.



EKSENA 1

## BALATYAGON

Ngaa ang balatyagon parte sa sex indi pirme malain?  
—Basaha ang Hulubaton 5:18, 19.

Ang seksuwal nga mga handum lang bala ang mabaskog mo  
nga balatyagon? (Ano ang iban pa nga balatyagon?)

Nagakadala ka bala dayon  
kada magbaskog ang imo  
balatyagon?

HUO WALA

Nagapati ka bala nga kontro-  
lado mo gid ang imo seksuwal  
nga balatyagon?

HUO WALA

Bangod ang Dios, nga naghimo sing seksuwal nga han-  
dum, nagsiling man nga dapat may pagpugong kita sa  
kaugalingon, ano ang ginapaabot niya nga himuon mo?  
—Basaha ang 1 Tesalonica 4:4.

Ngaa sa banta mo ginasayaan sang iban  
ang mga virgin pa?

Ngaa mahimo piliton ka sang imo  
mga katubotubo nga mag-sex?

Paano mo dapat tamdon ang mga nagapilit sa imo  
nga lapason ang kasuguan sang Dios?  
—Basaha ang Hulubaton 13:20.



EKSENA 3

## KAHIGAYUNAN

Sin-o, kag ano nga mga lugar ukon sitwasyon ang  
dapat mo likawan para indi ka masulay nga mag-sex  
samtang wala ka pa makasal?



Ang nagapagusto lang sa pag-sex wala nagabag-o bisan pa kasal na sia. Paano ina nga kamatuoran nagapakita nga kinahanglan likawan ang pag-sex kon dalaga ka pa ukon soltero?—Basaha ang Galacia 6:7, 8.

Sa banta mo, ano ang bentaha kon magpabilin ka nga virgin asta nga makasal ka?

Nagapati ka gid bala nga ang pagtuman sa sugo sang Dios nga likawan ang pag-sex antes sang kasal makapahalipay sa imo sangsa pag-ilog sa “pagusto” lang nga pagkabuhi sang imo mga katubotubo? Kon amo, ngaa?

## MAGHANDA

### EKSENA 1—BALATYAGON

Kon daw matentar na ako, himuon ko ang masunod:

### EKSENA 2—PAG-IPIT

Kon ginasunlog ako sang akon mga katubotubo kay virgin pa ako ukon ginapilit nila ako nga mag-sex, isiling ko sa ila:

### EKSENA 3—KAHIGAYUNAN

Kon ara na ako sa sitwasyon nga mag-sex, himuon ko ang masunod:

## MABATUAN MO ANG PAGSULAY!

Kon pabakuron mo ang imo mga pagpati subong, makahimo ka sing husto nga desisyon bisan pa ginasulay ka!